

MEMACU NEGARA MELALUI KEPENGGERUSIAN ASEAN

ZULKIFLI SULONG

MALAYSIA rasminya menjadi Pengerusi ASEAN atau nama penuhnya Persatuan Negara-Negara Asia Tenggara (ASEAN) untuk tahun 2025 ini.

Laos telah menyerahkan Kepengerusian ASEAN kepada Perdana Menteri (PM). Datuk Seri Anwar Ibrahim pada 14 Oktober 2024.



PENULIS BEBAS

Sejak menerima tampuk kepimpinan ASEAN, PM Anwar dilihat memberikan perhatian yang sangat bersungguh terhadapnya.

Beliau mula menjual nama ASEAN ke mana-mana sahaja beliau bercakap hatta ketika berucap di pentas dunia termasuk di Davos, Switzerland baru-baru ini

Untuk membantunya.

Anwar secara peribadi telah melantik kumpulan penasihat ASEAN yang diketuai oleh bekas Perdana Menteri Thailand. Thaksin Shinawatra.

Walaupun mendapat kritikan pembangkang, Anwar bertegas, Thaksin bakal memberikan kelebihan kepada ASEAN yang dipengerusikan Malaysia.

Dengan latar belakang perniagaan dan bekas Perdana Menteri Thailand, salah sebuah negara utama ASEAN, Thaksin diyakini dapat memberikan nasihat yang berguna. Apatah lagi hubungan keluarga yang erat Thaksin dengan PM Thailand sekarang.

Baru-baru ini, Anwar bertemu Thaksin. Selepas itu mereka berdua bertemu dengan bekas Menteri Luar Singapura, George Yeo untuk meneruskan diskusi tentang ASEAN dan juga kepentingan serantau. Topik utama adalah tentang Myanmar, negara anggota ASEAN yang menjadi isu dan kudis dalam konteks demokrasi dunia.

Nampaknya Anwar telah memulakan langkah yang jelas sebagai Pengerusi ASEAN.

Secara sedar atau tidak, Anwar telah menyaksikan Malaysia menjadi Pengerusi ASEAN pada tahun 1985, 1995, 2005 dan



ANWAR ketika mengadakan pertemuan dengan Thaksin baru-baru ini.

2015. Dua yang pertama bertangsiung di Kuala Lumpur, manakala yang terakhir di Putrajaya.

Bagaimanapun, beliau tidak menghadiri Sidang Kemuncak ASEAN terakhir. Malah, beliau sendiri tidak pasti sama ada beliau boleh menjadi Perdana Menteri Malaysia selepas 2005 atau 2015, tulis rakan saya Dr Pha Kim Beng, seorang pengkaji politik antarabangsa melalui tulisannya.

Bagi Dr Pha, 2025 membawa cabaran berbeza. Malaysia bukan sahaja perlu mengekalkan legasi ASEAN yang membuat keputusan secara konsensus, tetapi juga menyuntik semangat baharu ke dalam kepengerusian ini kerana peluang seterusnya hanya akan datang pada 2035.

Bagi Dr Pha, Anwar dikenali sebagai seorang yang optimis, dengan keupayaan mengatasi pelbagai cabaran termasuk hampir 12 tahun dipenjara atas sebab politik serta penantian 25 tahun sebagai Perdana Menteri.

Beliau juga antara pemimpin ASEAN pertama yang menyokong Sidang Kemuncak ASEAN-GCC yang dijadualkan berlangsung pada April atau Mei 2025.

Idea kerjasama ASEAN-GCC telah dibincangkan sejak 2009 dan Anwar perlu memastikan sidang ini menghasilkan proses kerjasama yang berkesan, kata Dr Pha.

Dr Pha menggariskan tiga keutamaan Malaysia ketika menjadi Pengerusi ASEAN ini.

Pertama, meningkatkan keterhubungan ASEAN - ASEAN perlu mengukuhkan kesentralan' bagi memastikan pembangunan serantau lebih teratur.

Kedua, memperkasa ekonomi ASEAN, dengan lebih 690 juta penduduk yang akan meningkat kepada satu bilion, ASEAN perlu menyediakan ekosistem ekonomi kondusif.

Mengukuhkan hubungan antarabangsa - Malaysia berhasrat memperkukuh hubungan dengan negara GC.C, ASEAN Plus 3, serta organisasi global seperti OECD dan BRICS.

Memastikan ASEAN kekal relevan - dengan cabaran geopolitik dan ekonomi, Malaysia perlu memastikan ASEAN bersedia menghadapi perubahan global, katanya.

Bagi seorang lagi penulis yang juga wartawan, kepimpinan Datuk Seri Anwar Ibrahim berpotensi untuk menghidupkan

kebangkitan kedua ASEAN terutama menerusi ASEAN-Malaysia 2025.

Berucap pada ASEAN Economic Opinion Leaders Conference: Outlook 2025 di sini pada Rabu, Editor Eksekutif Pengurusan South China Morning Post, Zuraidah Ibrahim memuji kepimpinan Anwar terhadap kepimpinan serantau.

"Anwar sebenarnya telah menggunakan sangat baik (pendekatan) dalam mengambil alih kepimpinan dan (mencadangkan) tentang kebangkitan kedua ASEAN

"Sebagai individu yang dibesarkan di sini dan amat mendalami rantau ini, saya benar-benar berharap Malaysia akan berjaya mencetuskan kebangkitan kedua ASEAN." katanya pada satu sesi di persidangan itu, lapor Sinar Harian.

Di samping Thailand yang diwakili Thaksin, hubungan baik Anwar dengan Presiden Indonesia, Prabowo Subianto juga amat penting. Malaysia, Singapura, Thailand dan Indonesia adalah negara utama dalam persatuan ini.

Hubungan yang baik antara Anwar dan Prabowo berpotensi untuk membentuk kembali arah masa depan ASEAN yang serba gemilang.

Di tengah ketidakpastian geopolitik dunia, hubungan rapat antara Presiden Prabowo dan Anwar memunculkan harapan kembalinya kepemimpinan ASEAN yang lebih *solid* dalam peranannya di tengah-tengah kancah politik global.

Ya mesti ada titik bengkit dalam hubi ingan antara negara termasuk kejadian tembak-menembak antara pasukan keselamatan Malaysia dengan lima rakyat Indonesia baru-baru ini.

Kita yakin hubungan baik Prabowo-Anwar akan memberikan natijah yang baik untuk kedua-dua negara apatah lagi ASEAN.

Mari kita sama-sama berdoa agar Anwar menjaya membina mercu tanda baru dalam peranan ASEAN di pentas dunia

SETIAP artikel penulis adalah pendapat peribadi, bukan pendirian Wilayahku